

四庫全書

集部

欽定四庫全書

御定佩文齋詠物詩選卷四百二十四

鶴類

五言古

詠懷

魏
阮籍

鴻鵠相隨飛飛適
遐喬雙翮臨長風
須臾萬里逝朝餐
琅玕實夕宿丹山
際抗身青雲中網
羅孰能制豈與鄉
曲士携手共言誓

賦得舞鶴

梁簡文帝

來自芝田遠飛度武谿深振迅依吳市差池逐晉琴竒
聲傳迴澗動翅拂花林欲知情外物伊洛有清潄

飛來雙白鶴

梁元帝

紫蓋學仙成能令吳市傾逐舞隨疎節聞琴應別聲集
田遙赴影隔霧近相鳴時從洛浦渡飛向遼東城

主人池前鶴

梁吳均

本是乘軒者為君階下禽摧藏多好貌清唳有竒音稻

梁惠既重華池遇亦深懷思未忍去非無江海心

詠鶴

陳陰鏗

依池屢獨舞對影或孤鳴乍動軒墀步時轉入琴聲

送王明府參選賦得鶴

唐駱賓王

振衣遊紫府飛蓋背青田虛心恒警露孤影尚凌煙離
歌悽妙曲別操繞繁絃在陰如可和清響會聞天

黃鶴

唐沈佺期

黃鶴佐丹鳳不能羣白鵬拂雲遊四海弄影到三山遙

憶君軒上來下天池間明珠世不重知有報恩環

宣城長史弟昭贈余琴谿中雙舞鶴詩以見志

唐
李白

令弟佐宣城贈余琴谿鶴謂言天涯雪忽向窓前落白
玉為毛衣黃金不肯博背風振六翮對舞臨山閣顧我
如有情長鳴似相託何當駕此物與爾騰寥廓

謝王郎中贈琴鶴

唐
顧況

此琴等焦尾此鶴方胎生赴節何徘徊理感物自并獨

鶴有不羣者飛飛在野田
饑不啄腐鼠渴不飲盜泉
貞姿自耿介雜鳥何翩翩
同遊不同志如此十餘年
一興嗜慾念遂為繒繳牽
委質小池內爭食羣雞前
不惟懷稻粱兼亦競腥羶
不惟戀主人兼亦狎烏鳶
物心不可知天性有時遷
一飽尚如此况乘大夫軒

代鶴

白居易

我本海上鶴偶逢江南客
感君一顧恩同來洛陽陌
洛陽寡族類皎皎惟兩翼
貌是天與高色非日浴
白主人

誠可戀其奈軒庭窄飲啄雜雞羣年深損標格故鄉渺
何處雲水重重隔誰念深籠中七換摩天翮

鶴屏

唐
陸龜蒙

時人重花屏獨即胎化狀叢毛鍊分彩疎節筇相望曾
無艷艷能頗得連軒樣勢擬搶高尋身猶在函丈如憂
雞鶩鬪似憶煙霞向塵世任縱橫霜襟自閒放空資明
遠思不待浮丘相何由振玉衣一舉棲瀛閭

鶴屏

唐
皮日休

三幅吹空殼孰寫仙禽狀能或作耳側以聽赤睛曠如望
引吭看雲勢翹足臨池樣頗似近蓐席還如入方丈盡
日空不鳴窮年但相向未許子晉乘難教道林放貌既
合羽儀骨亦符法相願升君子堂不必思崑閩

遇旅鶴

唐
孫昌穎

靈鶴產絕境昂昂無與儔羣飛滄溟曙一叫雲山秋野
性方自得人寰何所求時因戲祥風偶爾來中州中州
帝王宅園沼深且幽希君惠稻粱欲拜離丹丘不然奮

飛去將適汗漫遊肯作池上鷺年年空沈浮

李生畫鶴

宋文同

昂昂青田姿杳杳在輕素一身萬里意雙目九霄顧
鈔羽翮利竦竦骨節露君初本誰學我恐必神悟得于
想像外看
在絕筆處稷釜如復生相與校獨步

都城南有道者居名松鶴堂暇日同東平王繼
學為避暑之遊因作松鶴聯句

元馬祖常

偃雲聳層霄警露落古雪虬枝喜垂澗鷺羽陋鳴埴蟠
石千歲苓頂朱百齡血胎禽哺春巢乳脂凝沍節舞蓋
竽籟喧啄粒苔蘚齧元玉熏麝煤碧脛隘雞堞陟岳秦
爵崇授甲衛軒劣沐駿豹霧深引吭鳳竹裂風馭八極
小河舟三翼拙魯縞曳襪褫夏社挺截薛任重明堂材
言歸華表別拳縮包胥立堅剛伯夷烈延世餌方液顧
步炫高潔作室擅茲美觀物入獨閱逝將束囊書從爾
解珮玦

部中鶴

明
湯顯祖

曲臺雙白鶴日賦十餐錢良為升合資畱滯江海年傳
呼卿出入引吭飛舞前軒墀看鶴人時與小廟翾鳳凰
猶可飼安得羽中仙

題鶴軒圖

明
僧道衍

幽人適野意崇軒起山隈涼風響澗木晴霞明砌苔荆
扉夕不掩多應放鶴來

七言古

附長短句

畫鶴篇

唐 錢起

點素凝姿任畫工，霜毛玉羽照簾櫳。
借問飛鳴華表上，何如粉績綵屏中。
文昌宮近芙蓉闕，蘭室綰縕香且結。
鑪氣朝成候嶺雲，銀燈夜作華亭月。
日暖花明梁燕歸，應驚片雪在仙闈。
主人顧盼千金重，誰肯徘徊五里飛。

獨鶴吟

唐 李咸用

碧玉喙長丹頂圓，亭亭危立松風間。
啄萍吞鱗意已閒，舉頭咫尺輕重天。
黑翎白本排雲煙，離羣脫侶孤如仙。

披霜唳月驚嬋娟
逍遙忘却還青田
鳶寒鴉晚空相喧
時時側耳清泠泉

畫鶴

元
虞集

薛公少保昔畫鶴
毛羽蕭條向寥廓
通泉縣僻久微茫
故物都非况城郭
長鳴闊步貌閒暇
解寫高情亦竒作
田中芝艸日應長
石上松花晚猶落
赤壁江深孤月小
白雲野迴秋霄薄
羣帝相從絳節朝
八公許製黃金藥
誤嬰塵網迹易迷
移名中州夢如昨
借慙素壁憶真侶

忽有微風動林壑
碧虛寥寥積雪高
直過蕭臺絕棲泊

雙鶴吟寄友人

元馬臻

依依兩白鶴
歲久住青田
一鶴垂兩翅
飲啄沙汀煙
一鶴展長翮
冥冥自冲天
思之不可見
獨立秋風前
有時月夜羣
動息孤唳一聲
山水碧凝眸
側頸復徘徊
影落空林風
露濕故人獨
抱經濟才淵
珠炯炯光難
埋江南地
暖梅花開
折花待君君
不來梅花歲
歲開又落
空向梅邊詠
雙鶴

五言律

附小律

詠鶴

唐李嶠

黃鶴遠聯翩從鸞下紫煙翱翔一萬里來去幾千年已
憩青田側時遊丹鳳前莫言空警露猶冀一聞天

池邊鶴

唐儲光羲

舞鶴傍池邊水清毛羽鮮立如依岸雪飛似向池泉江
海雖言曠無如君子前

和裴相公寄白侍郎求雙鶴

唐劉禹錫

皎皎華亭鶴來隨太守船青雲意長在滄海別經年留
滯清洛苑徘徊明月天何如鳳池上雙舞入祥煙

答裴相公乞鶴

唐白居易

警露聲音好冲天相貌殊終宜向遼廓不稱在泥塗白
首勞為伴朱門幸見呼不知疎野性却愛鳳池無

劉蘇州以華亭一鶴遠寄以詩謝之

白居易

老鶴風姿異衰翁詩思深素毛如我髻丹頂似君心松

際雪相映雞羣塵不侵殷勤遠來意一隻重千金

聞雲中鶴唳

唐章孝標

久在青田唳天高忽暫聞翩翩紫碧落嘹唳入重雲出
谷鶯何待鳴岐鳳欲羣九臯寧足道此去透網緼

別鶴

唐杜牧

分飛共所從六翮勢催風聲斷碧雲外影孤明月中青
田歸路遠丹桂舊巢空矯翼知何處天涯不可窮

池州封負外郡齋雙鶴丹頂霜翎仙態浮曠罷

政之日因呈此章

唐
李羣玉

瀟灑二白鶴對之高興清寒谿侶雲水朱閣伴琴笙顧
慕稻粱惠超遙江海情應携帝鄉去仙闕看飛鳴

購鶴

元
張養浩

野處幽獨甚千金得令威挾雲出塵網領月到柴扉
足妨颺去遮亭使學飛至今湖上路樹石亦光輝

題江仲暹聽鶴亭

明
張以寧

仙鶴在人世長鳴思遠空有人秋水倚杖月明中玉

樹三更露銀河萬里風徘徊意無極遲爾出樊籠

五言排律

郡中每晨興見群鶴東飛至暮又行列而返呀
吭雲路甚和樂焉余愧獨處江城常目送此

鶴意有所羨遂賦以詩

唐張九齡

雲間有數鶴撫翼意無違曉日東田去宵煙北渚歸歡
呼良自適羅列好相依遠集長江靜高翔衆鳥稀豈煩
仙子馭何畏野人機却念乘軒者拘留不得飛

黃鵠下太液池

唐 賈島

高飛空外鵠，下向禁中池。
岸印行踪淺，波搖立影危。
來從千里島，舞拂萬年枝。
踉蹌孤風起，徘徊水沫移。
幽音清露滴，野性白雲隨。
太液無彈射，靈禽翅不垂。

緱山鶴

唐 張仲素

羽客騖仙鶴，將飛駐碧山。
映松殘雪在，度嶺片雲還。
清唳因風遠，高姿對水閒。
笙歌憶天上，城郭歎人間。
幾變霜毛潔，方殊藻質斑。
蓬瀛如可到，逸響詎能攀。

鶴警露

唐陳季

南國商飈動風臯野鶴鳴谿松寒暫宿露艸滴還驚欲
有高飛意空聞召侶情雲間傳藻質月下引清聲未假
搏扶勢焉知羽翼輕吾君開太液願得應皇明

鶴鳴九臯

唐闕名

胎化呈仙質長鳴在九臯排空散清唳映日委霜毛萬
里思寥廓千山望鬱陶香凝光不見風積韻彌高鳳侶
攀何及雞羣思忽勞升天如有應飛舞出蓬蒿

七言律

送鶴與裴相臨別贈詩

唐白居易

司空愛爾爾須知不信聽吟送鶴詩
羽翮勢高寧惜別
稻粱恩重莫愁飢
夜棲少共雞爭樹
曉浴先饒鳳占池
穩上青雲勿迴顧
的應勝在白家時

鶴池

白居易

高竹籠前無伴侶
亂雞羣裏有風標
低頭乍恐丹砂落
晒翅長疑白雪消
轉覺鷓鴣毛色下
苦嫌鸚鵡語聲嬌

臨風一唳思何事
悵望青田雲水遥

憶放鶴

唐
李紳

羽毛似雪無瑕點
顧影秋池舞白雲
閒整素儀三島近
迴飄清唳九霄聞
好風順舉應摩日
逸翮將成莫戀羣
凌厲坐看空碧外
更憐鳧鷖老江濱

台州鄭負外郡齋雙鶴

唐
朱慶餘

丹頂分明音響別
况聞來處隔雲濤
情懸碧落飛何晚
立近清池意自高
向夜雙棲驚玉漏
臨軒對舞拂朱袍

仙郎為爾開籠早莫慮迴翔損羽毛

鄭侍御廳玩鶴

唐許渾

碧天飛舞下晴莎金閣瑤池絕網羅巖響數聲風滿樹
岸移孤影雪凌波緱山去遠雲霄迴遼海歸遲歲月多
雙翅一開千萬里祇應棲隱戀喬柯

失鶴

唐李遠

秋風吹却九臯禽一片閒雲萬里心碧海有情應悵望
青天無路可追尋初來白雪翎猶短欲去丹砂頂漸深

華表柱頭畱語後更無消息到如今

山陽盧明府以雙鶴寄遺伯氏以詩為答因寄

和

唐趙嘏

緱山雙去羽翰輕應為仙家好弟兄
茅固枕前秋對舞陸雲谿上夜同鳴
紫泥封處仍回首碧落歸時莫問程
自笑滄江一漁叟何由似爾到層城

鶴

唐鄭谷

一自王喬放自由俗人行處懶回頭
睡輕旋覺松花墮

舞罷閒聽澗水流
羽翼光明欺積雪
風神灑落占高秋
應嫌白鷺無仙骨
長伴漁翁宿葦洲

謝丹陽李公素學士惠鶴

宋

韓琦

高籠携得意何勤
玉樹慚無可待君
只愛羽毛欺白雪
不知魂夢託青雲
孤標直好和松畫
清唳偏宜帶月聞
自有三山歸去路
莫辭時暫處雞羣

鶴

元

宋无

毛骨珊珊白雪清
千年世上頂丹成
晴飛碧落秋空闊

露立瑤臺夜月明
仙島雲深歸有信
天壇花落步無聲
時來華表何人識
依舊翻身上玉京

和詠鶴

元
李
祁

老去曾看相鶴經
暫從華館試伶僇
幾年養就丹砂頂
竟日閒梳白雪翎
萬里壯心原自許
九霄清唳好誰聽
神仙舊侶知何在
遙望蓬萊一點青

來鶴詩贈周元初

元
沈
右

緘誠上達魏元君
俄頃神霄下鶴羣
頂煉大還丹鼎火

翅霑南嶽嶺頭雲
仙人騏驎秋風遠
王子笙簫午夜聞
惆悵世間畱不住
却驂鸞鶴出霞雰

周元初來鶴詩

明 鄭 洪

綠章朝帝駕雲車
白鶴從天下玉除
赤壁已無身後夢
丹丘應有寄來書
五鬣松陰秋落落
三花樹影夜疎疎
琴心三疊蓬萊淺
兩翼剛風響珮裾

鶴舞

明 邵 寶

誤向丹丘共羽流
多情今得此亭幽
長鳴似與高人語

屢舞誰於醉客求風羽九遠能抗晚野心萬里欲橫秋
試將衣袖閒招引轉盡花陰意未休

野鶴

明朱之蕃

勁翮凌風掠遠雲一聲清唳九霄聞巢松不戀乘軒寵
警露時畱篆籀文注頂丹成迎日彩昂身玉立出雞羣
朝元應待仙真御隱映青山白雪紛

五言絕句

詠省僻畫鶴

唐宋之問

粉壁圖仙鶴昂藏真氣多
騫飛竟不去當是戀恩波

田鶴

唐錢起

田鶴望碧霄無風亦自舉
單飛後片雲早晚及前侶

田鶴

唐司空曙

散下渚田中隱見菰蒲裏
和鳴自相應欲作凌風起

鶴

唐白居易

人各有所好物固無常宜
誰謂爾能舞不如閒立時

鶴雛

唐姚合

白毛生未足嶮峭醜於雞每夜穿籠出搗衣砧上棲

即事

唐
司空圖

茶爽添詩句天清瑩道心只留鶴一隻此外是空林

修竹塢

明
高啟

色映谿沈沈秋雲生夕陰無限楚山意鶴鳴風滿林

六言絕句

為曾高士畫湖山舊隱

元
倪瓚

厭聽殘春風雨卷簾坐看青山波上鷗浮天遠林間鶴

帶雲還

七言絕句

寄劉尊師

唐
韋應物

世間荏苒紫此身長望碧山到無因白鶴徘徊看不去
遙知下有清都人

酬令狐相公見寄

唐
劉禹錫

羣玉山頭住四年每聞笙鶴看諸仙何時得把浮丘袖
白日將昇第九天

崔駙馬養鶴

唐張籍

身閒無事稱高情，已有人間章句名。
求得鶴來教剪翅，望仙臺下亦將行。

有雙鶴畱在洛中，忽見劉郎中。
依然鳴顧劉，因為鶴歎二篇寄予，予以二絕句答之。

唐白居易

辭鄉遠隔華亭水，逐我來棲緱嶺雲。
慚愧稻梁長不飽，未曾迴眼向雞羣。

其二

荒艸院中池水畔
銜思不去又經春
見君驚喜雙回顧
應為吟聲似主人

問鶴

白居易

烏鳶爭食雀爭窠
獨立池邊風雪多
盡日踡水翹一足
不鳴不動意如何

舟中夜坐

白居易

潭邊霽後多清景
橋下涼來足好風
秋鶴一雙船一隻

夜深相伴月明中

贈峨嵋山楊鍊師

唐鮑溶

道士夜誦蕊珠經
白鶴下繞香煙聽
夜移經盡人上鶴
天風吹入秋冥冥

崔卿池上鶴

唐賈島

月中時叫葉紛紛
不異洞庭霜夜聞
翎羽如今從放長
猶能飛起向孤雲

崔少卿鶴

唐姚合

入門石徑半高低
閒處無非是藥畦
致得仙禽無去意
花間舞罷洞中棲

放鶴

唐 雍 陶

從今一去不須低
見說遼東好去栖
努力莫辭仙客遠
白雲飛處免羣雞

憶鶴

唐 劉得仁

白絲翎羽丹砂頂
曉度秋煙出翠微
來向孤松枝上立
見人吟苦却高飛

當軒鶴

唐
陸龜蒙

自笑與人乖好尚
田家山客共柴車
干時未似棲廬雀
鳥道閒携相爾書

自河西歸山

唐
司空圖

水闊風高去路危
孤舟欲上更遲遲
鶴羣長繞三珠樹
不借閒人一隻騎

錢塘鶴

唐
吳仁璧

人間路靄青天半
鼇岫雲生碧海涯
雖抱雕籠密局鑰

可能長在叔倫家

鶴

唐
褚載

欲洗霜翎下澗邊
却嫌菱刺污香泉
沙鷗浦鴈應驚訝
一舉扶搖直上天

獨鶴

唐
韋莊

夕陽灘上立徘徊
紅蓼風前雪翅開
應為不知棲宿處
幾回飛去又飛來

湖上雜詠

宋
鄒浩

華亭標格本青雲
邂逅西湖秋復春
作意一聲君會否
鵷鷺集處是真人

望少室

金許安仁

名山都不見真形
萬仞盤盤入杳冥
安得雲間騎白鶴
下看三十六峰青

馴鶴圖

金王予可

寢處粧鉛未捲釵
孤雲花帶月邊來
六宮簾幕金鑿冷
露濕晨煙啄翠苔

四安道中所見

元 牟 巖

生怕秋蟲稻把稀
腰鎌爭出傍晴暉
尻高首下泥中鶴
啄得黃雲盡始歸

仙遊曲

元 王 惲

庭竹無人綠滿窓
幽香和露濕霓幢
日長孤絕壇邊鶴
啄徧晴苔影一雙

偶成

元 趙孟頫

竹林深處小亭開
白鶴徐行啄紫苔
羽扇不搖紗帽側

晚涼青鳥忽飛來

記夢

元 楊 載

四面青山擁翠微樓臺相向闢天扉
夜闌每作遊仙夢月滿瓊田萬鶴飛

遊三茅華陽諸洞

元 宋 元

淡染雲霞五色衣杏壇朝罷對花披
洞中養隻千年鶴長被仙人來借騎

為彭道士賦鶴峯

元 陳 旅

跨鶴臺高倚翠微昔人城郭是邪非蕊珠宮觀秋如水
有客吹笙月下歸

縉谿道士

陳旅

縉雲谿上縉雲山春水流出桃花灣白頭道士鶴為馬
月明騎過居庸關

甲子七月廿二日忽坐後聞彈鶴

元表士元

鶴立高枝暫爾安多情遊子挾金丸老來還有冲霄志

莫作投林倦翮看

題畫

元 李 祁

浩浩蒼波天四圍
秋風一鶴夜來歸
祇應夢裏聞長笛
知是年時舊羽衣

六月五日偶成

元 倪 瓚

坐看青苔欲上衣
一池春水靄餘暉
荒邨盡日無車馬
時有殘雲伴鶴歸

雲巢鶴睡

元 葉 顥

煙梢深處穩棲翎標格孤高迴出羣只恐聽琴驚夢醒
踏翻松頂一巢雲

題雪景

明藍仁

湖邊倒樹玉為槎樹底茅檐路半斜
飢鶴翅寒飛不去
伴人閒立看梅花

送芸上人

明程誥

行盡春山翠萬重新林浦月坐聞鐘
橫江東去長鳴鶴
巢寄南朝第幾松

毛貞夫參政別余籠一白鶴與丹書一函見貽

即席戲成二絕答之

錄一

明孫一元

竒路踉蹌自少塵
白榆花落島中春
主人應是浮丘伯
不惜仙禽借與人

采真詩再為慧虛度師恭譔

明屠隆

寂寂花宮獨掩關
颺輪去只在前山
香清落日聞金磬
知是真人跨鶴還

其二

悄無人跡閉瑤房
數卷丹書在石牀
侵曉鶴翻松露冷
松花細細落衣裳

古道菴望華亭

明 吳夢暘

沿江遙指白雲隈
樹底空牀徧綠苔
今夜道人來借宿
前峰先有鶴飛回

冬景

明 張宇初

養就還丹不怕寒
獨騎黃鶴上雲端
笑談借得天家雪
散作琪花滿石壇

夜坐


明
僧清澹

寂寂虛堂獨坐時
小窓推起更思維
江城萬井煙花白
月到松頭鶴未知

宮詞

明
沈瓊蓮

香霧濛濛罩碧窓
的的燦銀釭
內人何處教吹管
驚起庭前鶴一雙



御定佩文齋詠物詩選卷四百二十四

欽定四庫全書

集部

御定佩文齋詠物詩選卷四百

二十五至
三十六

詳校官侍郎_臣李封

主事銜_臣徐以坤覆勘

總校官檢討_臣何思鈞

校對官中書_臣張曾炳

謄錄監生_臣解中發

欽定四庫全書

御定佩文齋詠物詩選卷四百二十五

錦雞類

七言古

錦雞

元周權

巴山靈鳥初離羣
葦蕩麗組雲錦文
羽翎新刷爪距利
彩色勝似沙頭鴛
晴暎入戶爛相射
嗉中有物垂紅碧
綬光若若花盤條
出示山童有矜色
文章固足媒爾身

雕籠拘束還悲辛
區區啄飲豈不厚
情深野樹谿雲春

錦雞

明楊基

暖風晴日融春晝
閒看花陰雞吐綬
綺縠都將綵羽妝
紅絲不待金針繡
疊疊胭脂縷縷金
龍文盤錯鳳紋深
憑誰剪作鴛鴦帶
雅稱佳人翡翠衿

錦雞圖

明胡儼

昔聞楚人不識鳳
忽見山雞重購之
我今畫圖寫生態
羽毛五色光陸離
扶桑天雞啼一聲
陽鳥散彩天下晴

此時山雞亦出谷
喔喔飛來耀林麓
千巖萬壑含東風
杏花吹香春雪紅
顧影徘徊自愛惜
揚翹聳翅紛蒙茸
竹上花間日正高
向陽吐綬垂花條
吳綾蜀錦織不得
戴勝偷眼驚伯勞
切莫臨谿照碧流
對鏡逢人舞便休
舞多目眩終顛仆
世人空說韋公賦

四禽圖

明
李東陽

樛枝老樹幽巖裏
山鷓雙棲掉長尾
高鳴俯搦勢不停
似向春風矜爪觜
山頭錦雞金作冠
身披五采成斑斕

遠從紅日霽時見，更向碧山深處看。
人言此物真絕特，同是山禽不同格。
休將綠水照毛衣，祇恐桃花妬顏色。

五言律

詠山雞

唐 溫庭筠

萬壑動晴景，山禽凌翠微。
繡翎翻草去，紅嘴啄花歸。
巢暖碧雲色，影孤清鏡輝。
不知春樹畔，何處又分飛。

山雞

唐 許渾

珍禽暫不扁，飛舞躍前庭。
翠網摧金距，雕籠減繡翎。
月

圓疑望鏡花暖似依屏何必舊巢去山山芳草青

五言排律

賦得山雞舞石鏡

唐

崔護

廬峯開石鏡人說舞山雞物象纖無隱禽情目自迷
景當煙霧歇心喜錦翎齊宛轉烏呈彩娑娑鳳欲棲
何言資羽族在地得天倪應笑翰名者終朝飲敗醯

七言律

錦雞

宋

文同

高原濯濯弄春暉
金碧冠纓綵繪衣
石溜瀉煙晴自照
巖枝橫月夜相依
有時勃窣盤跚舞
忽地鉤輶格磔飛
寄語人間用增繳
瑤臺鸞鶴好同歸

御定佩文齋詠物詩選卷四百二十五

欽定四庫全書

御定佩文齋詠物詩選卷四百二十六

雁類

五言古

歸鴻

宋
顏延之

昧旦濡和風
露露踐朝暉
萬有皆同春
鴻雁獨辭歸
相鳴去澗汜
長引發江畿
皎潔登雲侶
連綿千里飛
長懷河朔路
緬與湘漢違

詠湖中雁

梁沈約

白水滿春塘，旅雁每迴翔。
唼流牽弱藻，斂翮帶餘霜。
羣浮動輕浪，單汎逐孤光。
懸飛竟不下，亂起未成行。
刷羽同搖漾，一舉還故鄉。

賦得始歸雁

梁劉孝綽

洞庭春水綠，衡陽旅雁歸。
差池高復下，欲向龍門飛。

賦得集池雁

北周庾信

逢風時迴度，逐侶乍爭飛。
猶憶方塘水，今秋已復歸。

詠雁

庾信

南思洞庭水北想雁門關稻粱俱可戀飛去復飛還

詠雁

北周 王褒

伺潮聞曙響妬壑有春暈豈若雲中雁秋時塞外歸河
長猶可涉海濶故難飛霜多聲轉急風踈行屢稀園池
若可至不復怯虞機

二弟宰邑南海見羣雁南飛因成詠以寄

唐 張九齡

鴻雁自北來嗷嗷度煙景嘗懷稻梁惠豈憚江山永大
小每相從羽毛當自整雙鳧侶晨汎獨鶴參宵警為我
更南飛因書至梅嶺

白雁

唐
李建勳

東谿一白雁毛羽何皎潔薄暮浴清波斜陽共明滅差
池失羣久幽獨依人切旅食賴菰蒲單棲怯霜雪邊風
昨夜起顧影空哀咽不及牆上烏相將繞雙闕

賦秋鴻送劉衡州

宋
梅堯臣

秋鴻整羽翮去就自因時往春南方來遂止天泉池天
泉水清泚鴛鴦鷺日追隨蒲藻豈不樂江湖信所宜今朝
風色便暫向衡陽歸洞庭逢葉下瀟湘先客飛渚有蘭
杜美心無稻梁卑矰繳勿爾念鷹隼寧爾窺煙波千萬
里足以資盤嬉峯前想回日青冥生路岐

高郵陳直躬處士畫雁

宋

蘇軾

野雁見人時未起意先改君從何處看得此無人態無
乃槁木形人禽兩自在北風振枯葦微雪落璀璨慘淡

雲水昏晶熒沙磔碎弋人悵何慕一舉眇江海

其二

衆禽事紛爭野雁獨閒潔徐行意自得俛仰若有節我
衰寄江湖老伴雜鷺鴨作書問陳子曉景畫苔雪依依
聚圓沙稍稍動斜月先鳴勤鼓翅吹亂蘆花雪

九月三日宿胥口始聞雁

宋

范成大

故人久不見乍見雜悲喜新雁如故人一聲驚我起把
酒不能觴送目問行李曾云行路難空濛千萬里塞北

多關山江南渺雲水風高吹汝瘦旅伴今餘幾斜行不
少駐滅沒蒼煙裏羈遊吾亦倦客程殊未已扁舟費年
華短纜繫沙尾物性各有役冥心聽行止江郊匝地熟
塲圃平如砥歸期且勿念共飽豐年米

賦得春雁送張郎中省覲揚州

元

揭傒斯

東風吹歸雁離離翔天側朝發衡陽浦夕過陰山磧嘹
唳浮雲中萬里才一息眷言思親者相望有南北

羣雁圖

元 傅若金

微茫洞庭野，隱約瀟湘岸。
鴻雁將棲息，飛鳴求其伴。
先集良未安，後至淒欲斷。
使我懷弟兄，因之中腸亂。
雷連江海遠，慘淡秋暉晏。
常恐隨天風，高飛入雲漢。

平沙落雁

明 楊基

江橫秋煙白，日落寒沙淺。
鴻雁萬里來，翩翩下平遠。
欲隨更低飛，斜行兩三轉。

平沙落雁

明 薛瑄

霜清秋水落風過人跡平
飛飛隨陽鳥相呼下寒汀
向夕聚儔侶月映蘆花明

七言古 附長短句

鳴雁行

唐李白

秋雁鳴辭燕山昨發委羽朝度關
一一銜蘆枝南飛散
落天地間連行接翼往復還
客居煙波寄湘吳凌霜觸
雪毛體枯畏逢矰繳驚相呼
聞弦虛墜良可吁君更彈
射何為乎

鴻雁

宋 曾鞏

江南岸邊江水平
水荇青青渚蒲綠
鴻雁此時儔侶多
亂下沙汀恣棲宿
羣依青荇暖且鳴
暖浴蒲根戲相逐
長無矰繳意自閒
不飽稻粱心亦足
性殊凡鳥自知時
飛不亂行聊漸陸
豈同白鷺空潔白
兔啄腥汙期滿腹
汪履道家觀所蓄煙雨盧鴻圖

宋 僧惠洪

西湖漠漠生煙雨
浦浦圓沙鳧雁聚
今日高堂素壁間

忽見西湖最西浦
翩翩兩雁方欲下
數隻飄然掠波去
獨餘一隻方穩眠
有夢不成亦驚顧
蕭梢碧蘆秋葉赤
青沙白石紛無數
我本江湖不繫舟
爾輩况亦江湖侶
令人便欲尋睿郎
呼船深入龍山塢

鴻雁篇

元陳基

鴻雁雙雙度雁門
相呼相喚不離羣
晝銜蘆葦防矰繳
夜宿關河同夢魂
稻梁既足江南闊
秋水增波葉微脫
洞庭湖畔卧雲沙
彭蠡磯頭弄煙月
一朝無事忽相違

一向東飛一向西西飛渺渺秦山曲東去悠悠滄海湄
秦山滄海遙相望顧影徘徊各惆悵山有猩猩與網羅
水有蛟鼉與風浪回頭却恨不同棲辛苦皆因獨自飛
不問天南與天北何時相見得同歸

五言律

同張二詠雁

唐駱賓王

唼藻滄江遠銜蘆紫塞長霧深迷曉景風急斷秋行陣
照通宵月書封幾夜霜無復能鳴分空知愧稻梁

秋雁

駱賓王

睽翩辭海曲，搖曳指江干。
陣去金河冷，書歸玉塞寒。
帝月凌空易，迷煙逗浦難。
何當同顧影，刷羽泛清瀾。

雁

唐李嶠

春暉滿朔方，候雁發衡陽。
望月驚弦影，排雲結陣行。
往還倦南北，朝夕苦風霜。
寄語能鳴侶，相隨入帝鄉。

歸雁

唐杜甫

萬里衡陽雁，今年又北歸。
雙雙瞻客上，一一背人飛。
雲

裏相呼疾沙邊自宿稀
繫書無浪語愁寂故山薇

孤雁

杜甫

孤雁不飲啄飛鳴聲念羣誰憐
一片影相失萬重雲望盡似
猶見哀多如更聞野鴉無意緒
鳴噪自紛紛

見上林春雁翔青雲寄楊起居李員外

唐錢起

上林春更好賓雁不知歸
顧影憐青籞傳聲入紫微
夜陪池鷺宿朝出苑花飛
寧憶寒鄉侶鸞凰一見稀

送征鴻

錢起

秋空萬里淨嘹唳獨南征
風急翻霜冷雲開見月驚
塞長憐去翼影滅有餘聲
悵望遙天外鄉愁滿日生

賦得沙上雁

唐耿漳

衡陽多道里弱羽復哀音
還塞知何日驚弦亂此心
夜陰前侶遠秋冷後湖深
獨立汀洲意寧知霜霰侵

夜聞回雁

唐司空曙

雁響天邊過高高望不分
颼颼傳細雨嘹唳隔長雲
散

向誰家盡歸來幾客聞還將今夜意西海話蘇君

泊雁 迴文

唐 戴叔倫

泊雁鳴深渚收霞落晚川
析隨風斂陣樓映月低
弦漠漠汀帆轉幽幽岸火
燃壑危通路溝曲繞平田

早雁

唐 顧非熊

逐暖來南國迎寒背朔雲
下時波勢出起處陣形分
聲急奔前侶行低續後羣
何人寄書札絕域可知聞

早鴻

唐 李君玉

木落波浪動南飛
聞夜鴻參差天漠
霧嘹唳月明風野
水蓮莖折寒泥稻
穗空無令一行侶
相失五湖中

歸雁

唐

孟貫

春至衡陽雁思歸
塞路長汀洲齊奮
翼霄漢共成行雪
盡翻風暖寒收度
月涼直應到秋日
依舊返瀟湘

孤雁

唐

崔塗

湘浦離應晚邊城
去已孤如何萬里
計只在一枝蘆迥
起波搖楚寒棲月
暎蒲不知天畔侶
何處下平蕪

其二

幾行歸塞盡，念爾獨何之。
暮雨相呼失，寒塘欲下遲。
渚雲低暗度，闕月冷遙隨。
未必逢矰繳，孤飛自可疑。

孤雁

唐 儲嗣宗

孤雁暮飛急，蕭蕭天地秋。
關河正黃葉，消息斷青樓。
湘渚煙波遠，驪山風雨愁。
此時萬里道，魂夢繞滄洲。

侍宴賦得歸雁

宋 徐鉉

夜靜羣動息，翩翩一雁歸。
清音天際遠，寒影月中微。
何

處雲同宿長空雪共飛陽和常借便免與素心違

聞雁寄歐陽夷陵

宋梅堯臣

閒坐獨無寐雁來更未闌聲長河漢迴影落戶庭寒荆
楚橘包熟瀟湘楓葉丹南飛過三峽試問故人看

聞雁

元虞集

樓近暖雲濕夜深聞雁低聲音燈外盡羽翮月邊迷丹
冉白榆上悠悠黃竹西應逢穆王駿春草一長嘶

雁聲

元張翥

嘹嘹數雁度流響一淒然半落淮南雨遙沈海上天踈
砧欲斷處哀角未吹前我亦離羣者聞之夜不眠

孤雁

元
黃庚

長空獨嘹唳隱約背斜暉塞北離羣遠江南失侶歸度
雲憐隻影照水認雙飛却羨投林鳥相呼入翠微

聞雁

明
曹嘉

連翩升紫塞嘹唳過秋城帛染傳書淚砧催搗練聲雲
深飛總近風細落還輕此夜高樓笛懷人幾度橫

鹽河聞雁

明 蘇澹

客子起常早月明珠可親
一聲沙背雁匹馬渡頭人
顧
侶鳴偏切悲秋興轉真
蘭閨夢回處應憶客邊身

聞雁

明 宗臣

一枕何能得長愁至不禁
魚龍殘夜笛風雨急秋砧
天
入蕭森氣人兼去住心
湖南有新雁作意送悲音

雨夜聞雁

明 居節

缸斜寒照竹山靜雨圍牀
雁到秋如許人愁夜未央
江

天將隻影霜信過重陽小夢知何處三湘煙水長

雁至

明 雷思霈

去燕新辭主來鴻舊作賓江空今夜月家遠隔年身結
伴多依水將書只寫人如何白翎雀歲歲北山春

白雁

明 曹學佺

波淨影逾白霜清鳴更催乾坤雙鬢老風雪一聲來林
迴隱猶見天長去復回物情嫌太潔莫使羽毛摧

聞雁

明 僧德祥

八月涼風起高飛亂入雲度闌成一序遵渚動千羣孤
米沈寒雨蘆花散夕曛一聲江上過獨客最先聞

雒城聞雁

明 項蘭貞

明月照蒼苔橫空一雁來影翻飛葉墮聲帶晚風迴塞
北征人思閨中少婦哀江南別業在叢桂樂枝開

聞雁

明 鄭夢周
朝 鮮 人

行旅忽聞雁仰看天宇清數聲和月落一點入雲橫錦
字回燕塞新愁滿洛城疎燈孤館夜何限故園情

五言排律

飛鴻響遠音

唐

李體仁

漠漠微霜夕，翩翩出渚鴻。
清聲流迥野，高韻入寥空。
舊質經寒塞，殘音響遠風。
縈雲猶類網，避月尚疑弓。
弱羽雖能振，丹霄竟未通。
欲知多怨思，聽取暮煙中。

河南府試秋夕聞新雁

唐

黃滔

湘南飛去日，薊北乍驚秋。
叫出隴雲夜，聞為客子愁。
一聲初觸夢，半白已侵頭。
旅館移欹枕，江城起倚樓。
餘燈

依古壁片月下滄洲寂聽良宵徹躊躇感歲流

歸雁

宋 范仲淹

稻梁畱不得一一
起江天帶雪南離楚
和春北入燕依
依前伴侶歷歷舊山川
木葉程猶遠梅花信可傳
子規啼到曉鸚鵡鎖經年
應羨冥冥者東風羽翼全

七言律

旅館聞雁別友人

唐 趙嘏

路遶秋塘首獨搔
背羣燕雁正呼號
故關何處重相失

碧落有雲終自高
旅宿去緘他日恨
單飛誰訝此生勞
行衣濕盡千山雪
腸斷金籠好羽毛

歸雁

唐
陸龜蒙

北走南征類我曹
天涯迢遞翼應勞
似悲邊雪音猶苦
初背嶽雲行未高
月島聚棲防暗繳
風灘斜起避驚濤
時人不問隨陽意
空拾闌邊翡翠毛

題雁

唐
鄭谷

八月涼風九月霜
蓼花紅澹葦條黃
石頭城下波搖影

星子灣西雲間行驚散漁家吹短笛失羣征戍鎖殘陽
故鄉聞爾亦惆悵何況扁舟非故鄉

新雁

唐

吳

融

湘浦春波始北歸玉關搖落又南飛數聲飄去和秋色
一字橫來背晚暉紫閣高翻雲幕幕灞川低度雨微微
莫從思婦臺邊過未得征人萬里衣

鴻

唐

徐

夔

行如兄弟影連空春去秋來燕不同紫塞別當寒露白

碧山飛入暮霞紅
宣王德美周詩內
蘇武書傳漢苑中
况解銜蘆避弓箭
一聲歸喚楚天風

雁

唐
黃滔

楚岸花晴塞柳衰
年年南北去來期
江城日暮見飛處
旅館月明聞過時
萬里風霜休更恨
滿川煙草且須疑
洞庭雲水瀟湘雨
好把寒更一一知

賓雁

宋
韓琦

候時賓雁覺秋分
便委寒霜遡楚氛
一片畫屏橫遠岫

幾行書字貼輕雲
信通離閣誠虛語
聲到英雄似不聞
莫趁衡陽戀閒暖
南兒增繳正紛紛

和孫侔雁蕩

宋

梅堯臣

雁蕩高高路莫通
銜蘆秋葉入雲峯
山頭水閣不見影
巖下沙平時有蹤
千仞柱天何斂閃
萬工揮筆漫輕濃
葛巾蠟屐未能著
空羨青蒼重復重

詠雁

元

曹伯啟

塞色波光秋影涵
數行天字到江南
銜蘆有為防增繳

擇地無心入瘴嵐
寒暑相催猶可避
稻梁雖好不宜貪
哀鳴欲動何人意
獵騎彎弧酒正酣

賦飛鴻送胡則大

元 楊 載

年年客裏見飛鴻
成陣成行上碧空
杳杳江湖尋故侶
蕭蕭蘆葦下新叢
翱翔已出雲霄上
飲啄寧來沼沚中
今日似君歸去好
扁舟一夜起東風

雁賓

元 謝宗可

地北天南萬里身
驚寒昨夜過邊塵
暫隨沙漠秋來夢

畱得湘江社後春
水宿雲飛同是客
風嘹月唳自相親
荒汀斷渚年年路
應認蘆花作主人

雁字

謝宗可

蘆花月底寄秋情
陣影南飛勢不停
一畫寫開湘水碧
半行草破楚天青
雲牋冷印蟲書迹
煙墨濃摹鳥篆形
題盡子卿心事苦
斷文無數落寒汀

白雁

謝宗可

翅老西風絕點瑕
秋江難認宿蘆花
雲邊字缺銀鈎斷

月下箏閒玉柱斜影亂飛鷗回遠浦陣迷宿鷺落平沙
聲聲叫起蘇卽恨為帶吳霜染鬢華

清谿落雁

元

曹文晦

清谿谿口荻花秋底事年年伴白鷗北去不辭書帛寄
南來非為稻梁謀荒煙渺渺長橋外落葉蕭蕭古渡頭
見說洞庭風月好碧波千頃少漁舟

白雁

明

徐舫

出塞風沙不浣衣要分秋色占鷗磯遠書玉宇傳霜信

斜落銀箏映冷暉
楚澤雲昏無片影
湘江月黑見孤飛
當年繫帛還蘇武
漢節仍全皓首歸

白雁

明 顧文昱

萬里西風吹羽儀
獨傳霜翰向南飛
蘆花暎月迷清影
江水涵秋點素輝
錦瑟夜調冰作柱
玉關曉度雪沾衣
天涯兄弟離羣久
皓首江湖猶未歸

孤雁

明 瞿佑

失伴離羣不憚勞
此心終不在蓬蒿
百年海內皆兄弟

萬里雲間一羽毛
夜月相隨形影在
秋風獨立性情高
鵝行鷺序休相笑
朋黨何須似爾曹

歸雁

明沈恒

冥鴻不覺又逢春
遠別湘南北向秦
雲接斷行天漠漠
江涵歸影水粼粼
關山叫落三更月
旅館愁驚萬里人
莫怪東風吹去翮
清秋蘆渚又來賓

旅中聞雁

明駱文盛

西風鴻雁惜離羣
露下天高彷彿聞
方訝北來衝遠塞

忽驚南去入寒雲
千山落葉還秋杪
一卷殘書且夜分
無那餘音更嘹唳
倚樓鄉思益紛紛

雁字

明

朱之蕃

長空清迥淨秋雲
杖倚斜陽數雁羣
吹隔狂飈存斷簡
翔依沙渚見迴紋
霞江點綴摩崖碣
蘆岸睽翩白練裙
衡嶽峯高歸羽急
疑探二酉發竒文

雁

朱之蕃

郊原曠望入秋深
序列南翔見候禽
墮影高空隨落木

蜚聲午夜雜寒砧
湘江霜月連玄塞
北海音書到上林
燭繳未須勞弋慕
平沙遠水寄閒心

詠雁字

明
唐時升

蒹葭白露早紛紛
上下參差意象分
朔漠南來應累譯
衡陽北望盡同文
方思坐卧觀三日
又見紆迴作五雲
一一總成龍鳳質
可教容易換鷺羣

其二

一夜風霜過洞庭
莫徭惆悵羨冥冥
蘆洲掩映成飛白

竹塢迴翔欲殺青右轉正如秦代璽橫行疑寫梵王經
君歸直向燕然去且為皇家好勒銘

其三

翩翩六翮破寒煙初月纖纖列宿連雨後模糊濃淡墨
風前斷續短長篇綵霞淨拭紅絲硯銀漢平鋪白地牋
自罷結繩書契起憐君長在網羅邊

其四

黃昏風雨黯東西何事皇皇不肯棲共指漂鷺兼泊鳳

難分野鶩與家雞影過平嶂如書壁聲落前汀似印泥
誰把文章移北斗君家兄弟羽毛齊

其五

漠北湖南萬里通年年為客任長風飲時渴驥奔泉上
棲處驚蛇入草中空裏作書皆咄咄日來多暇不匆匆
張芝自有凌雲意莫比藏真老禿翁

其六

遠拂殘霞攪斷雲始知筆陣掃十軍元常法備皆三折

阿買詩成寫八分賦客近為離合體經生能辨古今文
危峯阻日君須記隴首羣飛背夕曛

是夕聞雁

明
王 鏞

蕭蕭落木黑波生燭暗杯空三四聲蘆作綠花枝尚脆
菰垂白露米先傾我來賓至飛迴處君向人歸厭歷程
燕子輕身真自喜不堪此際有逢迎

五言絕句

賦得早雁出雲鳴

唐
太 宗

初秋玉露清早雁出空鳴隔雲時亂影因風乍合聲

南中詠雁

唐
韋承慶

萬里人南去三春雁北飛不知何歲月得與爾同歸

秋雁

唐
褚亮

日暮霜風急羽翮轉難任為有傳書意翩翩入上林

聞雁

唐
韋應物

故園渺何處歸思方悠哉淮南秋雨夜高齋聞雁來

水宿聞雁

唐
李益

早雁忽為雙驚秋風水窗夜長人自起星月滿空江

雁

唐
陸龜蒙

南北路何長中間萬弋張不知煙霧裏幾隻到衡陽

雁

宋
陳師道

來往違寒暑飛鳴在稻梁未知溟海大不肯過衡陽

秋雁圖

元
楊維禎

野水江湖遠秋風蘆葉黃南飛舊兄弟一一自成行

聞雁憶弟子培

明
宗臣

秋雨千峯散寒雲萬里開不知天際雁幾日故園來

聞雁

明僧道衍

鳴雁為離羣餘哀度水雲那知故鄉夜亦似客中聞

六言絕句

惠崇蘆雁

宋蘇軾

惠崇煙雨蘆雁坐我瀟湘洞庭欲買扁舟歸去故人云
是丹青

題王子慶所藏大年墨雁

元趙孟頫

鴻雁棲棲遵渚黃蘆索索鳴秋羨殺承平公子筆端萬
里滄洲

七言絕句

官池春雁

唐

杜甫

自古稻梁多不足至今鷓鴣亂為羣且休悵望看春水
更恐歸飛隔暮雲

其二

青春欲盡急還鄉紫塞寧論尚有霜翅在雲天終不遠

力微增繳絕須防

歸雁

唐錢起

瀟湘何事等閒回
水碧沙明兩岸苔
二十五絃彈夜月
不勝清怨却飛來

雁

唐薛能

肅肅雍雍義有餘
九天鸞鳳莫相疎
惟應靜向山窗過
激發英雄夜讀書

夜泊詠棲鴻

唐陸龜蒙

可憐霜月暫相依，莫向衡陽起隊飛。
同是江天寒夜客，羽毛單薄稻梁微。

題新雁

唐

杜荀鶴

暮天新雁起汀洲，紅蓼花疎水國秋。
想得故園今夜月，幾人相憶在江樓。

聞雁

唐

林寬

接影橫空背雪飛，聲聲寒出玉關遲。
上陽宮裏三千夢，月冷風清聞過時。

小雁蕩

宋

王十朋

歸雁行飛集澗阿不貪江海稻梁多峯頭一蕩雖然小
飲啄猶堪避網羅

聞雁

宋

陸游

過盡江南把酒稀熏籠香冷換春衣秦關漢苑無消息
又在江南送雁歸

聞新雁有感

陸游

新雁南來片影孤冷雲深處宿菰蘆不知湘水巴陵路

曾記漁陽上谷無

春半聞歸雁

宋

楊萬里

春光深淺没人知我正南歸雁北歸頭上一聲如話別
一生長是背人飛

題趙大年蘆雁

元

戴表元

寒更索索警霜叢兄弟當年意自同猶是江湖太平處
未妨沈著卧秋風

見雁有懷

元

黃庚

滿眼西風憶故廬
親朋音問久相疎
年年江上無情雁
只帶秋來不帶書

四雁圖

元 任士林

江北江南秋正驕
孤飛萬里氣方豪
平生慣有冰霜翼
却笑東風燕雀高

沙雁

元 楊載

漠漠寒煙樹影微
一行沙雁背人飛
江南江北秋將盡
客子如今猶未歸

題王元善赴北清江新雁圖

元

黃鎮成

江南春水拍天齊
鴻雁成行向北飛
未必雲山便相隔
秋風還帶夕陽歸

題墨雁

元

楊維禎

黃沙衰草羽毵毵
八月天山冷不堪
昨夜朔風吹過影
盡將秋色到天南

聞雁

元

丁鶴年

月落江城轉四更
旅魂和夢到灤京
醒來獨背寒燈坐

風送長空雁幾聲

自題蘆洲聚雁圖

明 朱 芾

夜窗聽雨話巴山
又入瀟湘水竹間
滿渚冥鴻誰得似
碧天飛去又飛還

蘆雁

明 王 澤

拍天煙水接瀟湘
蘆葦秋風葉葉涼
何處漁郎夜吹笛
雁羣驚起不成行

九月十七日聞雁寄董莊

明 徐 賁

晚意秋陰雨不分
渚蘆沙竹護寒雲
雁聲客裏誰先聽
愁絕惟應我共君

題蘆雁圖

明 胡奎

草草書空不作行
相呼相喚過衡陽
蘆花月冷應無夢
啄盡寒沙一夜霜

早雁

明 高棅

涼霜八月塞天寒
飛度衡陽楚水寬
少婦樓頭初掩瑟
一行先向夕陽看

題雁

明 王 紱

聯翩飛處影橫斜
暝色和烟暗荻花
遠水微茫秋萬頃
不妨隨意落平沙

宿雁圖

明 張 泰

理卷霜毛宿晚汀
旅魂應自繞秋冥
西風莫攪蕪葭水
月苦沙寒易得醒

月夜下桐江聞孤雁

明 王叔承

煙月滿江漁火寒
一聲孤雁下蘆灘
隔天總有家書到

水碧山青不耐看

清江聞雁

明
李瑋

數聲江澣三更雁孤影
霜天萬里身新冷
猶如先避雪
南來應笑北行人

二月聞雁

明
孫承宗

九月邊庭無雁來
關門不逐雁門開
春來塞上希矰繳
花信風前一一回

其二

孤鴻幾日過長安
拖得春旗露未乾
應說邊庭花信早
征衣初擬褪春寒

題一雁圖

明
僧德祥

萬里江湖一葉身
來時逢雪又逢春
天南地北年年客
只有蘆花似故人

御定佩文齋詠物詩選卷四百二十六

欽定四庫全書

御定佩文齋詠物詩選卷四百二十七

鷹類 附隼 海青

五言古

楊監又出畫鷹十二扇

唐

杜甫

近時馮紹正能畫鷲鳥樣明公出此圖
毋乃傳其狀殊姿各獨立清絕心有向疾禁千里
馬氣敵萬人將憶昔驪山宮冬移含元
仗天寒大羽獵此物神俱王當時無

凡材百中皆用壯粉黑形似間識者一惆悵干戈少暇
日真骨老崖嶂為君除狡兇會是翻鞞上

養鷹詞

唐
劉禹錫

養鷹非翫形所資擊鮮力少年昧其理日月哺不息探
雛網黃口旦暮有餘食寧知下鞞時翅重飛不得培隄
上林表使兔自南北飲啄既已盈安能勞羽翼

七言古 附長短句

觀放白鷹

唐
李白

寒冬十二月蒼鷹八九毛寄言燕雀莫相啁自有雲霄
萬里高

姜楚公畫角鷹歌

唐 杜甫

楚公畫鷹鷹戴角殺氣森森到幽朔觀者貪愁掣臂飛
畫師不是無心學此鷹寫真在左綿却嗟真骨遂虛傳
梁間燕雀休驚怕亦未搏空上九天

龍鷹詞

唐 柳宗元

淒風浙瀝飛嚴霜蒼鷹上擊翻曙光雲披霧裂虹霓斷

霹靂掣電捎平岡
砉然勁翮剪荆棘
下攫狐兔騰蒼茫
爪毛吻血百鳥逝
獨立四顧時激昂
炎風溽暑忽然至
羽翼脫落自摧藏
草中狸鼠足為患
一夕十顧驚且傷
但願清商復為假
拔去萬累雲間翔

觀劉永年畫角鷹

宋 黃庭堅

劉侯才勇世無敵
愛畫工夫亦成癖
弄筆掃成蒼角鷹
殺氣稜稜動秋色
爪拳金鈎背屈鐵
萬里風雲藏勁翮
兀立槎枒不畏人
眼看青冥有餘力
霜飛晴空塞草白

雲垂四野陰山黑此時軒然盍飛去何乃巒屹立西壁
祇應真骨下人世不謂雄姿畱粉墨造次更無高鳥喧
等閒亦恐狐狸嚇旁觀未必窮神妙乃是天機貫胸臆
瞻相突兀摩空材想見其人英武格傳聞揮毫頗容易
持以與人無甚惜物逢真賞世所珍此畫他年恐難得

野鷹來

金
蔡珪

南山有竒鷹寘穴千仞山網羅雖欲施藤石不可攀鷹
朝飛聳肩下視平蕪低健狐躍兔藏何遲鷹暮來腹肉

一飽精神開招呼不上劉表臺錦衣年少漫畱意俯仰不能隨爾輩

題劉履初所藏莫慶善畫鷹

元

郭

鈺

目光懸秋雙翮齊欲飛不飛愁雲低足無條鏃腹無食空林尚恐難安棲筆力精到天機微莫生所畫詩我題君不見天下太平角端語狐兔草間何足數

題畫鷹送羅緝熙南歸

明

李東陽

大鷹掙羸爪決石側目高堂睨秋碧小鷹偃伏俯且窺

威而不揚豈其雌雌雄起伏各異態意氣相看出塵盞
獨立羞將衆羽羣高飛怕有浮雲礙山寒木落天始風
日色慘淡川原空人間狐兔自有地慎勿反擊傷鸕鴻
畫圖彷彿是誰作宛似懸鞬臂間落高堂匹練長風生
萬里炎荒盡幽朔我生竒氣空嶙峋揮毫對此不無神
送渠羽翼朝天去亦是雲霄得意人

題魯京尹所藏雙鷹圖

李東陽

霜風撼撼空林響朔氣隨空入蕭爽兩鷹意氣殊絕羣

俯視平川如一掌玄雲著樹凝不飛野日照地寒無輝
搜身欲下不肯下似覺深山狐兔稀丹青落手翩欲活
構上驚看錦條脫江湖浩蕩煙水深萬里陽臺渺天末
時維八月炎暑空兩鷹角立如爭雄周旋九紘隘八極
此意豈在風塵中知公有才非搏擊我意亦欲辭樊籠
祇應共逐鵝鷺去去上丹山十二重

畫鷹

明徐渭

閩南縞練光浮膩傳真誰寫蒼厓鷺生相由來不附人

綠鞵空著將軍臂八月九月原草稀百鳥高高兔走肥
煙中斂翼遠不下節短暗合孫吳機此時一中貴快意
深林燕雀何須避惟將搏擊應涼風誰貪飽鬻矜山雉
昨見少年向南市買鷹欲放平原轡凡材側目飽人餽
不似畫中有神氣夜來鷓鴣作精魅安得放此向人世
秋風一試刀稜翅

海東青行

明僧梵琦

海東青高麗獻之天子庭萬人却立不敢睨玉爪金眸鐵作

翎心在寒空韞在手一生自獵知無偶孤飛直出大鵬前
猛志豈落鴛鴦後是日霜風何栗冽長楊樹羽看騰瞥
奔雲突霧入紫霄狡兔妖暮灑丹血束身歸來如木雞
衆鷗欲並功難齊爾輩無材空碌碌不應但費官廚肉

五言律

進秋隼

唐
耿 漳

豈悟因羅者迎霜獻紫微夕陽分素臆秋色上花衣舉
翅雲天近回眸燕雀稀應隨明主意百中有光輝

和舍弟讓詠籠中鷹

唐呂溫

未用且求安無猜也不殘九天飛勢在六月目睛寒動
觸樊籠倦閒消肉食難主人憎惡鳥試待一呼看

失白鷹

唐鄭繇

白錦文章亂丹霄羽翮齊雲中呼暫下雪裏放還逃梁
苑驚池鶩陳倉拂野雞不知寥廓外何處獨依棲

五言排律

霜隼下晴臯

唐闕名

九臯霜氣勁翔隼下初晴風動閒雲卷星馳白草平
稜方厲疾肅肅自縱橫掠地秋毫迴投身逸翮輕高墉
全失影逐雀乍飛聲薄暮寒郊外悠悠萬里情

七言律

見王監兵馬使說近山有白黑二鷹羅者久取
竟未能得王以為毛骨有異他鷹恐臘後春
生騫飛避暖勁翮思秋之甚眇不可見請余

賦詩

唐
杜甫

雲飛玉立盡清秋，不惜竒毛恣遠遊。
在野只教心力破，于人何事網羅求。
一生自獵知無敵，百中爭能耻下鞫。
鵬礙九天須却避，免經三窟莫深憂。

其二

黑鷹不省人間有，度海疑從北極來。
正翮搏風超紫塞，玄冬幾夜宿陽臺。
虞羅自覺虛施巧，春雁同歸必見猜。
萬里寒空祇一日，金眸玉爪不凡材。

白海青

元
袁 易

渺渺東溟刷羽翰乍隨天馬萬人觀孤飛雪點青雲破
一擊秋生玉宇寬賜予豈將追雁鶩驅除直欲辨梟鸞
江南明月難同色夢想瑤階白露溥

五言絕句

畫鷹

元

馬祖常

側視窺霄漢低飛近草萊金鞵時一脫肉飽更須回

題畫鷹

元

李昉

勁翮排霜戟天寒氣轉驕草間狐兔盡側目望青霄

七言絕句

新羅進白鷹

唐
竇鞏

御馬新騎禁苑秋
白鷹來自海東頭
漢皇無事須遊獵
雪亂爭飛錦臂鞦

宮詞

唐
王建

內鷹籠脫解紅條
鬪勝爭飛出手高
直上碧雲還却下
一雙金爪掬花毛

飢鷹詞

唐
章孝標

遙想平原兔正肥
千回礪吻振毛衣
縱令啄解絲條結
未得人呼不敢飛

觀獵

唐薛逢

馬縮寒毛鷹落矚
角弓初暖箭新調
平原踏盡無禽出
竟日翻身望碧霄

詠架上鷹

唐崔鉉

天邊心膽架頭身
欲擬飛騰未有因
萬里碧霄終一去
不知誰是解條人

鷹

唐高越

雪爪星眸世所稀
摩天專待振毛衣
虞人莫漫張羅網
未肯平原淺草飛

丁卯上京

元馬祖常

海國名鷹豈鶻胎
渥洼天馬是龍媒
明時不惜黃金賜
只欲番王萬里來

宮詞

明朱有燾

三山冰合放鷹時
十騎如雲授指揮
日暮六街塵滾滾

馬前橫抱白鷺歸

元宮詞

朱有燾

雨順風調四海寧
丹墀大樂列優伶
年年正旦將朝會
殿內先觀玉海青

其二

秋深飛放出郊行
選得馴駒內裏乘
野雉滿鞍如綴錦
馬前珍重是黃鷹

擬古宮詞

明
徐禎卿

君王無事日臨戎
韎韐親調白玉弓
千騎紅袍齊扈蹕
臂鷹遙出建章宮

長安少年行

明僧宗泐

鬪雞贏得海東青
臂向東街覓弟兄
白馬翩翩相逐去
灞陵原上曉雲平

御定佩文齋詠物詩選卷四百二十七

欽定四庫全書

御定佩文齋詠物詩選卷四百二十八

鵲類

五言古

畫鵲行

唐
杜甫

高堂見生鵲，颯爽動秋骨。
初驚無拘攣，何得立突兀。
乃知畫師妙，巧刮造化窟。
寫此神俊姿，充君眼中物。
鳥鵲知滿樛，枝軒然恐其出。
側腦看青霄，寧為衆禽沒。
長翮如

刀劔人寰可超越乾坤空崢嶸粉墨且蕭瑟緬思雲沙際自有煙霧質吾今意何傷顧步獨紆鬱

海州觀放鷓搏兔不中而飛去

宋沈括

秋霜濯空林暮日在峯頂冥冥起長風稍稍絕遺影
鷓值猛搏俯取不待頃豈非求者乖矯翮成遠騁未能
謝榛莽那用遽悻悻此心竟可憐得失未宜病

五言排律

出籠鷓

唐
濮陽瓘

玉簇分花袖金鈴出綵籠
搖心長捧日逸翰鎮生風
一點青霄裏千聲碧落中
星眸隨狡兔霜爪落飛鴻
每念提攜力常懷搏擊功
以君能惠好不敢沒遙空

七言絕句

夢遊洛中

宋
蔡襄

草白霜晴鷓眼開
原頭遊騎四邊來
枯叢鴉鵲休驚噪
日暮分持走兔回

御定佩文齋詠物詩選卷四百二十八

欽定四庫全書

御定佩文齋詠物詩選卷四百二十九

鵬鷄類

五言絕句

客夜偶成

元馬臻

男兒不得志壯心惜徂年長空起鵬鷄目送入寥天

榆林驛

明尹耕

天上白榆樹千秋紫塞陰隔林觀獵騎時有射鷄心

七言絕句

獵騎

唐
杜牧

已落雙鷗血尚新
鳴鞭走馬又翻身
憑君莫射南來雁
恐有家書寄遠人

射鷗騎

唐
馬戴

蕃面將軍著鼠裘
酣歌衝雪在邊州
獵過黑山猶走馬
寒鷗射落不回頭

落帆後賦

唐
李羣玉

平湖茫茫春日落危檣獨映沙洲泊山岸閒尋細草行
古查飛起黃金鷄

元宮詞

明

朱有燉

諸方貢物殿前排召得鷹坊近露臺清曉九關嚴虎豹
遼陽先進白鷗來

晚登沁州城有感

明

謝榛

蒼茫野色幾沙灘漳水東流倚堞看煙火滿城天向夕
一鷗飛過不知寒

書事

明
陸之裘

嚴寒朔漠草爭凋萬乘遙臨冰雪消
天馬追風齊八駿
彤弓弦月落雙鷗

御定佩文齋詠物詩選卷四百二十九

欽定四庫全書

御定佩文齋詠物詩選卷四百三十

白翎雀類

雀一作鵲

七言古

附長短句

白翎雀

元薩都拉

淒淒幽雀雙白翎飛飛只傍烏桓城
平沙無樹巢弗營
雌雄為樂相和鳴君不見舊日輕盈舞
紫燕鴛鴦鎖老
昭陽殿風暄芍藥春
可憐露冷芙蓉秋
莫怨

白翎鵲詞

元 楊維禎

白翎鵲西極來金為冠玉為衣百鳥見之不敢飛雄狐
猛虎愁神機先帝親手韝重爾西方竒海東之青汝何
為下攫草間雉兔肥奈爾猛虎雄狐狸

其二

白翎鵲來西極地從翼旋山目側邊風勁氣勁折膠材
官猛箭與之敵黃狼紫兔不餘力須臾白雪輕一舉千
仞直駕鷲灑血當空擲金頭玉頸高十尺千秋萬歲逢

玉食

白翎雀圖

明王禕

白翎雀雪作翎羣呼旅食啁晰鳴何人翻作絃上聲傳
與江南士女聽南人聽聲未識形畫師更與圖丹青圖
丹青一何似知爾之生何處是秋高口子草如雲風勁
腦兒沙似水

七言絕句

塞上曲

元納延

烏桓城下雨初晴
紫菊金蓮漫地生
最愛多情白翎雀
一雙飛近馬邊鳴

御定佩文齋詠物詩選卷四百三十

欽定四庫全書

御定佩文齋詠物詩選卷四百三十一

鳶類

五言古

射鳶

魏

劉楨

鳴鳶弄雙翼飄飄薄青天
我后橫怒起意氣凌神仙
發機如驚焱三發兩鳶連
流血灑牆屋飛毛從風旋
庶士同聲贊君射一何妍

七言古

飛鷲操

唐
劉禹錫

鷲飛杳杳青雲裏，鷲鳴蕭蕭風四起。
旗尾飄揚勢漸高，箭頭畫劃聲相似。
長空悠悠霽日懸，六翮不動凝風煙。
遊鷲翔雁出其下，慶雲清景相回旋。
忽聞飢鳥一噪聚，瞥下雲中爭腐鼠。
騰音礪吻相喧呼，仰天大嚇疑鷲雛。
畏人避犬投高處，俛吻無聲猶屢顧。
青鳥自愛玉山禾，仙禽徒貴華山露。
撲棘危巢向暮時，培塿飽腹蹲枯枝。

遊童挾彈一揮附臆碎羽分人不悲天生衆禽各有類
威鳳文章在仁義鷹隼儀形螻蟻心雖能戾天何足貴

五言絕句

盤石磴

唐

韋處厚

繚繞緣雲上璘玢玳玉聯高高曾幾折極目瞰秋鳶

御定佩文齋詠物詩選卷四百三十一

欽定四庫全書

御定佩文齋詠物詩選卷四百三十二

雉類

五言古

雉朝飛操

梁

簡文帝

晨光照麥畿平野度春暈避鷹時
聳角妬龔或斜飛少年從遠役有恨意多違不如隨蕩子羅袂拂臣衣

雉朝飛操

梁

吳均

二月雉朝飛橫行傍壘歸斜看水外翟側聽嶺南翬蹀
蹀恒欲戰耿耿恃強威當令君見賞何辭碎錦衣

雉子斑

陳江總

麥壘新秋來澤雉屢徘徊依花似協妬拂草乍驚媒三
春桃照李二月柳爭梅暫住如卑路當令巧笑開

射雉

陳蕭有

二月春暈動曹王挾妬媒挿翳依花合芟塲向野開隔
田聞雉近橫谿見影來弦鳴青靨碎箭落錦衣摧今日

如舉路能將巧笑回

雉子斑

陳
張正見

陳倉雉未飛，斂翮依芳甸。
朱冠色尚淺，錦臆毛初變。
雉麥且專場，排花聊勇戰。
唯當渡弱水，不怯如舉箭。

射雉

唐
韋應物

走馬上東岡，朝日照野田。
野田雙雉起，翻射斗迴鞭。
雖無百發中，聊取一笑妍。
羽分繡臆碎，頭弛錦鞞懸。
方將悅羈旅，非關學少年。
笏弓一長嘯，憶在灞城阡。

七言古

附長短句

白雉詩

漢班固

啟靈篇兮披瑞圖
獲白雉兮效素烏
嘉祥阜兮集皇都
發皓羽兮奮翹英
容潔朗兮於純精
彰皇德兮侔周成
永延長兮膺天慶

雉帶箭

唐韓愈

原頭火燒靜兀兀
野雉畏鷹出復沒
將軍欲以巧伏人
盤馬彎弓惜不發
地形漸窄觀者多
雉驚弓滿勁箭加

衝人決起百餘尺紅翎白鏃隨傾斜將軍仰笑軍吏賀
五色離披馬前墮

雉將雛

唐王 建

雉伊喔雛出殼毛斑斑背啄啄學飛未得一尺高還逐
母行旋母脚麥壘淺淺難蔽身遠去戀雛低怕人時時
土中鼓兩翅引雛拾蟲不相離

雉塲歌

唐 溫庭筠

茭葉萋萋接煙曙雞鳴埭上梨花露彩仗鏘鏘已合圍

繡翎白頸遙相如
雕尾扇張金縷高
碎鈴素拂驪駒豪
綠塲紅跡來相接
箭發銅牙傷彩毛
麥壘桑陰小山晚
六虬歸去凝笳遠
城頭却望幾含情
青畝春蕪連古苑

五言律

雉

唐李嶠

白雉振朝聲
飛來表太平
楚郊疑鳳出
陳寶若雞鳴
童子懷仁至
中郎作賦成
冀君看飲啄
耿介獨含情

五言排律

越裳獻白雉

唐

丁仙芝

聖哲符休運，伊夔列上台。
覃恩丹徼遠，入貢素輿來。
北闕欣初見，南枝顧未回。
斂容殘雪淨，矯翼片雲開。
馴擾將無懼，翻飛幸莫猜。
甘從上林裏，飲啄且徘徊。

越裳獻白雉

唐

王若拙

素翟宛昭彰，遙遙自越裳。
冰清朝暎日，玉羽夜含霜。
歲月三年遠，山川九譯長。
來從碧海路，入見白雲鄉。
作瑞興周后，登歌美漢皇。
朝天資孝理，惠化且無疆。

五言絕句

上元日放二雉

唐

司空圖

嬰網雖皆困，塞籠喜共歸。
無心期爾報，相見莫驚飛。

從獵

唐

韓偓

蹀躞巴陵駿，培塿碧野雞。
忽聞仙樂動，賜酒玉偏提。

七言絕句

又和畱山雞

唐

薛能

五色文勝百鳥王，相思兼絕寄芸香。
由來不是池中物。

雞樹歸時即取將

雜題

元
王逢

藻池岸匝水仙開滿面香飄玉蝶梅遺事罷書山館靜
鼠狼行過雉雞來

送李節度赴鎮

明
金宗直
朝鮮人

鼇背樓臺一俯憑海波萬里碧千層太平未試龍韜策
射雉還過竹院僧

御定佩文齋詠物詩選卷四百三十二